



NGAPI KOMBINGA ZE SABATA?

-Rukwangali-

-The Sabbath-

lightindarkness.site

“Makura evhu neguru neyi ya kara ko nayinye tayi pu kusita. Mezuva lyautano-nauvali Karunga age ana mana eyi ga rugene, mezuva olyo yimo ga pwizumukire. Age kwa tungikire ezuva lyautano-nauvali, ta li pongora mo momakwawo li likarere, yeeyi mezuva olyo yimo ga mene esito lyendi, a hulise kurugana.”

GENESIS 2:1-3



Karunga kwa rugene ezuva lyautana-nauvali likare epongoki.

“Nkango yizo za hovere kukara po. Ano ozo Nkango kwa kere naKarunga, ano Nkango yizo Karunga. Azo kwa kere pomuhoverera naKarunga. Yininke nayinye yizo za yi sita. Patupu sininke nampili simwe esi va sita pwa hana azo....Nkango yiyo za kara muntu, makura yiyo za tungire mokatji ketu. Ose yiyo twa mona uyerere wendi, awo yiwo uyerere waMunwaKarunga a huru ou ga gwana mwaGuhwe, age ana zura nkenda nosili.”

JOHANESA 1:1-3, 14



Jesu yige Karunga.

“Makura Jesus ta tanta asi: ‘Esabata muntu
va li ruganena, kapisi muntu yige va
ruganena Esabata. Yipo nye asi
MunwaMuntu age Kupangera nEsabata
lyeeli.”

MARUKUSA 2:27-28



Jesus kwa ruganena Esabata vantu
navenye.

“Makura HOMPA ta tantere Mosesa asi: ‘Ame ngani va rokesera nondya di tunde meguru, makura vantu ngava pongaike dokulya mezuva, ngani va tarere po nsene asi ngava sikisa mo veta zange ndi kapi ngava zi sikisa mo.”

EXODUS 16:4

[Tara no mwa Exodus 16:4-5, 22-28]



Esabata eheteko atare nsene vantu va
Karunga ngava sikisamo no Veta.

Dendi alyo kwa kere lye heteko hena
komenho aka gave veta ko ndundu za
sinayi.

RESA

EXODUS 20:1-17



**Esabata lyokupongoka nalyo lyoruha royi
pango muronga ya Karunga.**

“O diworoke kupongora ezuva lyEsabata. Mazuva gatano-nalimwe yigo gokurugana yirugana yoge nayinye, nye ezuva lyautano-nauvali Esabata lyaHOMPA Karunga goge. Makura nokurugana mo si hena nampili karugana, nyamoge ndi munoge gomugara ndi gomukadi, ndi mukareli goge gomugara ndi gomukadi, ndi simuna soge ndi munayirongo ogu ga kara kumwe noge. Yeeyi momazuva gatano-nalimwe yimo ga ungire Karunga eguru nevhu, nefuta neyi ya kara mo nayinye, ano mezuva lyautano-nauvali, makura ta pwizumuka. Yiyo nye ga tungikilire Karunga ezuva lyEsabata, ta li pongora.”

EXODUS 20:8-11



Ose noku vhurasi kurugana nkenye
karugana mezuva lye sabata.

“Uzera Karunga ta u ruku ‘Mutenya’, ano mundema ta gu ruku ‘Masiku’. Tapa kara nye ngurova nongurangura. Olyo ngoso ezuva lyomuhowo.”

GENESIS 1:5

[*Tara no mwa Genesis 1:8, 13, 19, 23, 31*]



Mazuva ga Karunga ku Tameka masiku
gaka hage mutenya.

Esabata kuta meka moutano tupunali ku
hwilira ezuva kuka haga moma peu
nsene ezuva lina hwilire mo hen a ezuva.

“HOMPA ta tantere vanayirongo ava va kara wombunga zendj, ava va mu hara oku tava mu kerere, ava ava dameke Esabata, tava sikisa mo nawa-nawa egwanekero lyendi asi: Ngani mu twara koSiyoni, kondundu zange zokupongoka, tanimu pe ehafo monzugo zange zomakanderero.... Ntembeli zange ngava zi tambura asi nzugo zomakandererero zovantu wonomuhoko nadinye.”

JESAYA 56:6-7

[*Tara no mwa Jesaya 56:1-7*]



Vantu womomu hoko nago peke ava va pulire
mwa Karunga ngava pongora Esabata kumwe
nova Israeli nova Juda

Eyi kwa horokere ko menho zo siruwo sa Jesus.

“Makura Jesus ta zi moNasareta, omu ga kulilire. Ano mEsabata ta zi mosinagogue moomu ga yika, makura ta sikama a rese.”

RUKASA 4:16

[*Tara no mwa Johanesa 15:10*]



Jesus age kwa yikire ku sikisamo yipango ya Karunga kumwe ne Sabata.

“Awo makura tava tengura va ka wapaike
yidumba nomagadi, makura mEsabata tava
pwizumuka moomu za tanta Veta.”

RUKASA 23:56

[*Tara no mwa Rukasa 23:54-56; 24:1; no mwa
Mateusa 28:1; no mwa Marukasa 16:1-2*]



Va Criste kukwama veta zaKarunga awo
ngava pongora Esabata na mpili konyina
zapa va pamparere Jesus.

“Age nga udisa nkenye Esabata
mosinagoge, asi noVajuda no Vagereka va
pure.”

YIRUGANA 18:4

[*Tara no mo Yirugana 17:2*]



Paurusa age kwa yikire kupongora
Esabata noku udisamo.

“Ano eyi va pwaga oPaurusa naBaranabasa,
vantu tava hundire asi yokuhamena yininke
eyi ngano ngava yi va udisire hena
nemEsabata lyokukwama ko.”

YIRUGANA 13:42

[*Tara no mo Yirugana 13:42-48*]



Vantu wono muhoko nado peke ngava
pongora Esabata kamwe nova Israel.

Eyi kwa kere posiruwo sa Jesus.

“Esabata li ninkeni li kare ezuva
lyokupongoka, makura ngali kare sidiviso
segwanekero eli twa paka po, ngali mu
diworokese asi ame HOMPA Karunga
gweni.”

HESEKIYELI 20:20



Kupongora Esabata yiso siliki diso asi
Karunga ogu gahunga uzuni yige Karunga
gwetu.

“Ame kwa ninkire esikisomo lyEsabata
sidiviso somalizuvho pokatji ketu nawo, asi
va diworoke asi, ame Hompa na va
pongora.”

HESEKIYELI 20:12

[*Tara no mo 2 Vakolinte 5:17;*
no mo Vaefeso 4:24]



Kupongora Esabata yiso siliki diso asi
Karunga yige atu pongora.

“Moomu tupu ngali kerera po evhu lyepe
neguru lyepe kononkondo dange,
noruvharo rweni nedina lyeni yimo ngali
kererera po ngorooro. Pwankenye sipito
sokwedi kokupe nankenyé Esabata, vantu
vankenye muhoko ngava wiza va ya
tongamenene nge omu moJerusarema,’
yimo ana kutanta HOMPA.”

JESAYA 66:22-23



Esabata ngava kali pongora meguru
ntani pevhu lyepe.

“Matjangwa kwa uyunga pevega limwe
yokuhamena kezuva lyautano-nauvali asi,
‘Makura Karunga ta pwizumuka koyirugana
yendi nayinye mezuva lyautano-nauvali.’

...Kolili hena epwizumuko lyEsabata
lyomuhoko gwaKarunga”

VAHEBELI 4:4, 9

[Tara no mo Vahebeli 4:9-11]



Simpe kolili Esabata [Mapeu] lyo vantu
va Karunga.



www.lightindarkness.site